

À SA MAISTRESSE

ODE XVII

Mignonne, allons voir si la rose
Qui ce matin avoit desclose
3 Sa robe de pourpre au Soleil,
A point perdu ceste vesprée
Les plis de sa robe pourprée,
6 Et son teint au vôtre pareil.

Las! voyez comme en peu d'espace⁴,
Mignonne, elle a dessus la place
9 Las las ses beautez laissé cheoir!
Ô vrayment marastre Nature,
Puis qu'une telle fleur ne dure
12 Que du matin jusques au soir!

Donc, si vous me croyez mignonne,
Tandis que vôtre âge fleuronne
15 En sa plus verte nouveauté,
Cueillez cueillez vôtre jeunesse :
Comme à ceste fleur la vieillesse
18 Fera ternir vôtre beauté.